



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

GIREIDI YA 12

TSHIVENDA LUAMBO LWA U ENGEDZA LWA U THOMA (FAL)

BAMMBIRI LA VHUVHILI (P2)

LARA 2017

MARAGA: 70

TSHIFHINGA: Awara 2

Bammbiri ili li na masiatari a 20.

PFESESANI

1. Vhalani siatari heli nga vhuronwane ni sa athu u fhindula mbudziso.
2. Ni SONGO lingedza u vhala bammbiri lothe. Tolani Thebuļu ya Zwi re Ngomu kha siatari li tevhelaho ni swaye nomboro dzo disendekaho kha bugu dze na guđa riwaha uno. Vhalani mbudziso idzo ni koneha u nanga dzine na tama u fhindula.
3. Bammbiri heli lo vhumbwa nga KHETHEKANYO NNA:

KHETHEKANYO YA A: Nganea (35)
 KHETHEKANYO YA B: Dirama (35)
 KHETHEKANYO YA C: Nganeapfufhi (35)
 KHETHEKANYO YA D: Vhurendi (35)

4. Fhindulani MBUDZISO MBILI dzo fhelela u bva kha khethekanyo MBILI DZINWE na DZINWE.

KHETHEKANYO YA A: NGANEA
 Fhindulani mbudziso MBILI kha nganea ye na guda.

KHETHEKANYO YA B: DIRAMA
 Fhindulani mbudziso DZOTHE kha dirama ye na guda.

KHETHEKANYO YA C: NGANEAPFUFHI
 Fhindulani mbudziso DZOTHE kha nganeapfufhi dze na newa.

KHETHEKANYO YA D: VHURENDI
 Fhindulani mbudziso DZOTHE kha zwirendo zwe na newa.

5. Thomani KHETHEKANYO INWE na INWE kha siatari LISWA.
6. Shumisani mutevhe wa u sedzulusa uri u ni thuse.
7. Tevhedzani ndaela dzo riwalwaho mathomoni a KHETHEKANYO INWE na INWE nga vhuronwane.
8. Nomborani phindulo dzanu kokotolo sa zwe mbudziso dza nomboriswa zwone kha bammbiri la mbudziso.
9. Ndangatshifinga yo anganyiwaho: Shumisani minetse i re henefha kha 60 kha KHETHEKANYO INWE na INWE.
10. Nwalani nga vhudele nahone zwi no vhonala.

ZWI RE NGOMU

Siatari ili li do thusa vhalingiwa kha u nanga mbudziso dzine vha todou dzi fhindula vha songo vhuya vha vhala bammbiri lothe.

KHETHEKANYO YA A: NGANEA

Fhindulani mbudziso DZOTHE kha nganea ye na guda.

NOMBORO YA MBUDZISO	MARAGA	SIATARI
1. <i>U tshila ndi u vhona</i>	17	5
2. <i>U tshila ndi u vhona</i>	18	6
3. <i>Ho-dina one</i>	17	8
4. <i>Ho-dina one</i>	18	9

KHETHEKANYO YA B: DIRAMA

Fhindulani mbudziso DZOTHE kha dirama ye na guda.

5. <i>Findinkodo</i>	18	11
6. <i>Findinkodo</i>	17	13

KHETHEKANYO YA C: NGANEAPFUFHI

Fhindulani mbudziso DZOTHE kha zwirendo zwe na newa.

7. 'Ndi a putedza ha itea dembe'	18	15
8. 'Dokotela wa mukhuwa nandi'	17	16

KHETHEKANYO YA D: VHURENDI

Fhindulani mbudziso DZOTHE kha zwirendo zwe na newa.

9. 'Thingothendeleki'	18	18
10. 'Muungeledzi'	17	19

MUTEVHE WA U SEDZULUSA

Itani luswayo kha khethekanyo dze na fhindula dzone.

KHETHEKANYO	MBUDZISO	MBUDZISO DZI TEAHO U FHINDULWA	LUSWAYO ✓
A: Nganea	1–4	2	
B: Dirama	5–6	2	
C: Nganeapfufhi	7–8	2	
D: Vhurendi	9–10	2	
PFESESANI: Ivhani na vhutanzi uri no fhindula mbudziso u bva kha khethekanyo MBILI fhedzi.			

KHETHEKANYO YA A: NGANEA***U TSHILA NDI U VHONA – RN Mađadzhe***

Fhindulani mbudziso DZOTHE kha idzo dzi re afho fhasi dzo disendekaho kha nganea ye na guda.

MBUDZISO 1

Vhalani mafhungo a tevhelaho a bvaho kha nganea ye na guda uri ni kone u fhindula mbudziso dzo vhudziswaho. Vhulapfu ha phindulo yanu vhu do langwa nga tshivhalo tsha maraga dzo avhelwaho kha yeneyo mbudziso.

TSHIBVELEDZWA TSHA A

Mpho o ri u pfa fhungo ili a zwi divha uri Maria u khou amba mini. A thoma u takala na zwenezwo.

'Naa zwino o no vha affio? No tou da u mmbudza zwenezwo?'

'Ni khou toda ndi tshi tou bula ndi wa musidzana?'

Maria u ralo a tshi khou niweiwela, a dovha a isa phanda.

5

'A thi ri hu pfi khuhu ya phambo a i imbi mutsho!'

Maria u ralo na ala mano awe matshenatshena a tshi vhonala a tshi tou vhangama.

'Zwi na mini? Bulani! Ano mađuvha a hu tshe na u pfi gukulume kana phambo.'

'Ngauri ni khou nkombetshedza uri ndi bule, ndi do bula. Mpho!'

10

'Ndaa.'

'Ni tshi tou ntsedza-vho sa musidzana, ni mmbona hani?'

'U amba ngoho zwi a tshidza Maria, nne ndi ni vhona ni musidzana wavhudzi nga maanda.'

'Arali zwo ralo, na nne ndi pfa ndo takala nga maanda.'

15

'Tshiniwe hafhu ndi tsha u ri ndo da u ni ramba uri ...'

'Nne zwa u ya phathini a thi pfani nazwo, ndi fhano ndo no tou neta nga u twa ndi tshi ya dziphathini.'

'Inwi ni khou dina nga u nnzhena hanwani. Nne a thi khou ni ramba u ya phathini lini. Ni khou rambwa nga nne.'

20

'Ndi khou rambwa nga inwi?'

'Ndi khou ni ramba uri matshelo ni de nduni yanga ri le rothe zwiliwa zwa nga madekwana.'

- 1.1 Mpho u takadzwa nga mini mafhungoni aya? (1)
- 1.2 Bulani fhethu he avha vhaambi vha tangana hone. (1)
- 1.3 Sumbedzani zwiito zwa Maria zwi no mu tana sa tseramisiameko. (2)
- 1.4 Muanewa dendele ndi Mpho. Ndi ngani ni tshi ralo? (2)

- 1.5 Lifurase lo swifhadzwaho li ni disela muhumbulo ufhio no disendeka na nyito dzo bvelelaho buguni. (2)
- 1.6 Mafhungo a re afho nthā a tāna tshipida tsha mathomele. Ndi ngani ni tshi ralo? Tikedzani. (2)
- 1.7 Sumbedzani masiandaitwa o welaho Mpho nga u sa thonipha mufumakadzi wawe siani la lufuno. (2)
- 1.8 Zwa vhufarekano mishumoni ni vhona zwo tea naa? Tikedzani phindulo yañu. (2)
- 1.9 Arali no vha ni khonani kana shaka la Maria, no vha ni tshi nga mu eletshedza zwifhio siani la vhudifari hayani na mushumoni? (3)
[17]

NA

MBUDZISO 2

Vhalani mafhungo a tevhelaho a bvaho kha nganea ye na guda uri ni kone u fhindula mbudziso dzo vhudziswaho. Vhulapfu ha phindulo yañu vhu do langwa nga tshivhalo tsha maraga dzo avhelwaho kha yeneyo mbudziso.

TSHIBVELEDZWA TSHA B

'Kha izwo vha songo ofha tshithu. Riñe ri do phetha mushumo hoyo, na vhutala a vhu nga do vhonala.'

Mpho o mbo di bvisa masheleni a si gathi a fha vhatthannga avha. U bva afha, a ho ngo tsha vha na zwiñwe arali hu si u humela hayani hawe.

Dugudzha na Dzwaini vho sala vha langana zwauri vha do ya nduni ya Mashudu 5 nga madekwana a Lavhutanu. Lavhutanu lo ri li tshi swika, ho no vha madekwana, vho mbo di livha ngei nduni ya Mashudu. Afha zwandani vha vhonala vho ambara dzigilafu ngeno zwifhatuwo zwo thivhiwa nga miñadzi, ho tou sala ninga na mañø fhedzi. Hu songo fhela tshifhinga tshingafhani, vha mbo di vha vha tshi ri vho wa ha Mashudu. 10

'Ro swika nduni ya Mashudu.' Ndi Dzwaini.

'Ndi hone naa inwi?'

'Ee! Ndi hone.'

'Hafhu ni vhe no sedzesha nga maanda, a thi todì ri tshi sokou dzhena nduni ya muthu ane a si vhe ene.'

'Ndù ya Mashudu ndi a i divha nga maanda. Ndi hone henefha! Luña lutambo lwa u ita mushumo no bva nalwo?'

'Ndo bva nalwo?'

Ndù ya Mashudu i vhonala i kha di vha yo fungwa mavhone. Hone ho vha hu sa vhonali thavhithavhi ya vhatu vhunga Mashudu o vha a tshi dzula e ethe. 20 Dzwaini o mbo di khokhonya kha vothi.

- 2.1 Bulani fhethu hune aya mafhungo a khou bvelela hone. (1)
- 2.2 Ndi mushumo de u no do phethwa nga vhaambi afho mafhungoni? (1)
- 2.3 Sumbedzani tshivhangi tsha khu^ldano vhukati ha Mpho na Mashudu. (2)
- 2.4 U funesa tshelede ndi zwone mudzi wa tshivhi. Tikedzani likumedzwa ili no disendeka kha two bvelelaho kha Dzwaini na Dugudzha. (2)
- 2.5 Mafhungo e na vhala afho n^ltha, a ri isa kha nyito dzifhio dza mathakheni a nganeapfufhi iyi? (2)
- 2.6 Mafhungo aya a tu^ltuwedza hani magumo a nganeapfufhi iyi? (2)
- 2.7 Ndivho ya mu^lwali kha nganeapfufhi iyi ndi ifhio? (2)
- 2.8 U funzea ha Mpho two mu thusa kha u wana thanziela fhedzi a two ngo mu fha^la mihumbuloni. Tendani kana ni hanedze ni dovhe ni tikedze phindulo yanu. (2)
- 2.9 Two bvelelaho kha thasululo ya nganeapfufhi iyi zwi a tendisea naa? Tikedzani phindulo yanu. (2)
- 2.10 Vhudipfi ha^lnu ndi vhufhio no sedza u lingea ha Dzwaini na Dugudzha kha u didzhenisa kha u pfuka mulayo. (2)

HO-DINA ONE – Sharon Mbedzi

Fhindulani mbudziso DZOTHE kha idzo dzi re afho fhasi dzo disendekaho kha nganea ye na guda.

MBUDZISO 3

Vhalani mafhungo a tevhelaho a bvaho kha nganea ye na guda uri ni kone u fhindula mbudziso dzo vhudziswaho. Vhulapfu ha phindulo yanu vhu do langwa nga tshivhalo tsha maraga dzo avhelwaho kha yeneyo mbudziso.

TSHIBVELEDZWA TSHA C

Vho ri vhe kati na nyambo yeneyi ha vha hu tshi khou swika Osbon. A ene musuku a tshi bvela phanda na u amba: 'Au, izwi ndi Osbon, swikani **ri suke liiwe fhungo** hafha line la khou ri kanganyisa arali zwi si zwa u fhambana nga kuhumbulele na kuvhonele kwa zwithu.'

Osbon o ri u swika a ima phanda ha avha vhavhili. 'Hu pfi ndi lifhio fhungo la hone?'

'A thi ri 2010 yo fhira, inwi ri vhudzeni thama yanga, yo ni fara hani?' O ri u ralo Musuku a kweta thoho o sedza fhasi.

'Mashika a nwaha ndi eneo. U fhirwa nga minwaha yothe yo fhiraho. I ngafhi mishumo ye magalaha a ri i do vha hone? Thumbo i khou ita uri hu vhe na zwilonda milomoni ya vhaiani.' O ri u ralo Osbon a peta zwanda a zwi vhea kha khana.

Musuku o tou fa nga maseo he a fhedza nga u rwa gona lawe nga tshanda tsha u la.

'Khezwi u tshi nga wo ni sinyusa nwaha wa 2010?' U khou ralo Musuku a tshi khou bvela phanda na u sea.

'Khamusi arali hu tshee na Vho Mandela, havhala vho vha tshi divha na u pfesesa vhuyo havho. U bva nga nwaha wa gidi-mbili thanu, zwithu two no sokou shanduka. A ni ambi uri ri ro pfuma vhukuma ngeno vhatu vha tshi khou ditongisa nga zwibveledzwa zwa maiwe mashango. Fhano vha tou nambatedza tshiphugathalu ntha ha henengeo, ndi mini zwenezwo.' U khou ralo Osbon a tshi sumbedza na nga zwanda thovhela.

- 3.1 Mafhungo e na vhala a andadza tshipida tsha mathomo. Ndi ngani ni tshi ralo? (1)
- 3.2 Bulani vhushaka vhu re hone vhukati ha Ngeletshedzo, Musuku na Osbon. (1)
- 3.3 Huna khudano ya nga nnda i re afho mafhungoni. Ndi ngani ni tshi ralo? Tikedzani phindulo yanu. (2)
- 3.4 Vhambedzani kuhumbulele kwa Ngeletshedzo na Osbon no sedza mitambo ya bola ya lifhasi ya 2010. (2)

- 3.5 Talutshedzani lifurase lo swifhadzwaho mafhungoni ayo. (2)
- 3.6 Ngeletshedzo ndi muanewa dendele. Ndi ngani ni tshi ralo? Tikedzani phindulo yanu. (2)
- 3.7 No ditika nga mafhungo a re buguni iyi ndi zwifhio zwi si zwavhu^di zwe Ngeletshedzo a ita zwi no kwama tshikolo. (2)
- 3.8 Ndi zwifhio zwine Osbon a divhelwa zwone zwe Ngeletshedzo a zwi shavha kha bugu iyi? (2)
- 3.9 Inwi ni vhona izwi zwa Ngeletshedzo zwa u litsha tshikolo zwi zwavhu^di? Ndi ngani ni tshi ralo? (3)
- [17]

NA

MBUDZISO 4

Vhalani mafhungo a tevhelaho a bvaho kha nganea ye na guda uri ni kone u fhindula mbudziso dzo vhudziswaho. Vhulapfu ha phindulo yanu vhu do langwa nga tshivhalo tsha maraga dzo avhelwaho kha yeneyo mbudziso.

TSHIBVELEDZWA TSHA D

Lo ri li tshi vho todou ita vhusikukati, vha vha vha tshi khou swika kha la Thohoyandou. U swika mafhandeni a u ya yunivesithi yeneyi ya Venda, vha dzhena kha garatshi ya u ya kha tshanda tsha u la musi vha tshi khou bva Shayandima vha shela zwivhaswa kha goloi vhuvhili hadzo. Vha sa a thu u fhira vha imela thungo zwitku hanefho garatshini sa vhatu vhane vha khou todou awela. Ndi musi vhe heneffo he vha pfectesa u davhidzana na Ngeletshedzo. 5

'Veronica kwamani tsilu lanu uri livhe li tshi dilugisa. Riñe hafhu ri shuma nga tshifhinga.' Ndi Sibongile we a ralo o bvula na ngilasi dzawe mañoni. Mañ vhu vhulialia sa ñowa yo pfa lushada.

Nga itshi tshifhinga o vha a tshi vho thoma u lu muña lwa hawe. 10

Veronica o vha a si na thaidzo sa vhunga o vha a tshi vho kona u lu pfa a dovha a kona na u fhindula.

'Ho luga vhatu kha vha ri ndi mbo di mu kwama.' O ri u ralo a mbo di putedza-putedza luñgokhwalwa lwa Sibongile fhaña. Lwo ri u dzhena a mbo di netshedza Sibongile uri vha davhidzane. 15

'Munna, zwa zwino ndi hafha mafhandeni a u ya vhukati ha dorobo na hafha luvhandeni lwa bola. Veronica o ri ñea matshimbilele othe uri ri swike muñini. Ri rothe u swika afho?'

- 4.1 Ndi vhonnyi vho swikaho Thohoyandou li tshi vho todou vha vhusikukati? Bulani VHAVHILI fhedzi nga madzina avho. (2)
- 4.2 Ndi ngani vhatu avha vho diwana vhe Thohoyandou? (2)

- 4.3 Mafhungo a re afho n̄tha a t̄ana tshipīda tsha mat̄hakheni. Tikedzani phindulo yañu. (2)
- 4.4 Ndi maano afhio e Veronica a a luka uri a kone u wana tshelede kha Ngeletshedzo? Tandavhudzani. (2)
- 4.5 Musi no sedza nyambedzano yo vhaho hone vhukati ha Ngeletshedzo na malume awe Vho Maboho, ni vhabona Ngeletshedzo e muthu wa mvumbode? Bulani ZWIVHILI fhedzi. (2)
- 4.6 Dzina la bugu li pfi: *Ho dina one.* One hu khou ambiwa mini nahone sumbedzani uri o dina hani? (2)
- 4.7 Sibongile na lugwada lwawe vho divha hani hune Ngeletshedzo a dzula hone ngeno hu lwa u thoma vha tshi ya? (2)
- 4.8 Vhalani mutualadzi hoyu: 'Veronica, kwamani tsilu lañu uri li vhe li tshi dilugisa.' Khwathisedzani vhungoho ha fhungo ili no disendeka nga zwo bvelelaho buguni iyi. (2)
- 4.9 Ngavhe inwi no vha ni khonani ya Ngeletshedzo, no vha ni tshi nga mu eletshedza zwifhio zwi tshi elana na kutshilele kwawe nga murahu ha lufu lwa mme awe? (2)
[18]

THANGANYELO YA KHETHEKANYO YA A: 35

KHETHEKANYO YA B: DIRAMA**FINDINKODO – TT Mudau**

Fhindulani mbudziso DZOTHE (Mbudziso pfufhi) kha idzo dzi re afho fhasi dzo disendekaho kha dirama ye na guda.

MBUDZISO 5

Vhalani mafhungo a tevhelaho a bvaho kha dirama ye na guda uri ni kone u fhindula mbudziso dzo vhudziswaho. Vhulapfu ha phindulo yanu vhu do langwa nga tshivhalo tsha maraga dzo avhelwaho kha yeneyo mbudziso.

TSHIBVELEDZWA TSHA E

MUTHUMUKHULU: Ndo ni vhidza uri ndi ni divhadze uri De Wit o ndalela.

SKOSANA: Naa vhushaka havho na De Wit a vhu athu u fhela? Naa a thi ri o bva muvhusoni? U kha di ṭoda mini?

MUTHUMUKHULU: (*Nga ipfi lo dzikaho.*) A thi athu u fhedza u amba.

SKOSANA: (*U kotamela fhasi.*) Kha vha ambe.

5

MUTHUMUKHULU: (*U a hotola.*) Vha ṭoda u fara phurovintsi ya Kapa Vhukovhela.

SKOSANA: Mini?

DUMA: Khezwi vha sa bvi hothe.

SKOSANA: Havha vhatu ndo vha vhona, a vhaho kha u fhaṭa, vha 10 ṭoda u vhanga ndado.

MUTHUMUKHULU: Na fhumula-a!

SKOSANA: Hedzi ḫama dzavho Muhulisei zwino vhone vho ri mini khadzo?

15

MUTHUMUKHULU: Ni songo hangwa zwauri roṭhe ri khou shuma hafha fhethu, ro vhea dzimbilu dzashu kha u takadza mudzulapo muṇwe na muṇwe wa shango lashu. Hafhano ri kha u fhaṭa lushaka.

DUMA: (*U a sea.*) Zwi tou vha khagala uri Muhulisei vho tendelana na maambiwa a Vho De Wit.

20

MUTHUMUKHULU: Ii, ndo tenda, vho inwi ni humbula uri zwi tou itiswa hani?

SKOSANA: Idzi khetho dza masipala dzi ḫaho, na dzenedzi ḫama dzavho dzi do di khampheina?

MUTHUMUKHULU: Ndo ri vha khampheine nga hune vha nga kona uri vha pfe vho vhofholowa. Naa a thi ri vha ṭoda u vhona 25 maandā ane vha vha nao?

SKOSANA: Zwino, Muhulisei, hafhu vho vhuya vha amba uri vha khou do bva kha zwa poloṭki miṇwahani i ḫaho?

MUTHUMUKHULU: Ndo ralo.

SKOSANA: (*U sedza Duma.*) Ii, kani a vho ngo ralo?

30

- 5.1 Fhethuvhupo ha mafhundo aya ndi ngafhi? (1)
- 5.2 Muthumukhulu o olwa sa mubvumbedzwa wa lushaka lufhio? (1)
- 5.3 Ndi zwifhio zwine Skosana a fhambanelo zwone na Muthumukhulu kha mafhundo e na vhala? (2)
- 5.4 Mafhundo e na vhala a wela kha tshipida tsha u bveledza mafhundo. Tikedzani. (2)
- 5.5 Mahoro mavhili ane a khou fhambana ndi afhio? (2)
- 5.6 No sedza kha muṭaladzi wa 17 na 18, nangani phindulo yo teaho kha mutevhe wo nekedzwaho:
Musi hu tshi pfi 'Hafhano ri kha u fhaṭa lushaka.' Zwi amba uri ...
- A vharema vha ime zwavhuđi.
B vhatu vha tshilisane.
C dziminisitā dzi hole nga maanda.
D u fhiriṭanya vhatu. (1)
- 5.7 De Wit ane a khou ambiwa afha ni mu vhona sa muanewa wa mvumbođe zwi tshi da kha vhushaka hawe na vharema? (2)
- 5.8 Talutshedzani zwine ḥifurase ili la amba zwone 'Khezwi vha sa tou bva tshoṭhe.' (2)
- 5.9 Muthumukhulu na Skosana a vha vholi zwithu u fana. Ni a tendelana na uyu muhumbulo naa. Tikedzani phindulo yanu. (2)
- 5.10 Ndi ifhio ngeletshedzo ine na nga i nea mahoro ane a khou lwa? (3)
- [18]

NA

MBUDZISO 6

Vhalani mafhungo a tevhelaho a bvaho kha dirama ye na guda uri ni kone u fhindula mbudziso dzo vhudziswaho. Vhulapfu ha phindulo yanu vhu do langwa nga tshivhalo tsha maraga dzo avhelwaho kha yeneyo mbudziso.

TSHIBVELEDZWA TSHA F

DE WIT: (*U a hotola.*) Vhahashu, u dzhenelela hashu kha muvhuso uyu wa mbuelano ya lushaka, zwi nga zwi do disa tsira kha lihoro lashu.
(*A tshi posa ma to a wana tshanda tsho no ima.*) Mulandu?

COETZEE: Tsira ya mini, khufha ri tshi khou vhusa shango?

DE WIT: Ilo-vho nne a thi imi na lo, ngani ngauri khufha tshashu hu u 5 bvumela luimbo lwo simiwhi nga Madimokirati. Vhahashu, kha ri tende zwuri Madimokirati vha na maanda, ngauri na zwidulo zwe vha wina phalamendeni ndi zwinzhi.
(*Hu pfala phosho.*)

MUNNA: Nne ndi ima na muhulisei Vho De Wit. A thi vholi ri tshi kha di 10 vha na mulomo kha khabinethe yo rangwaho phanda nga Madimokirati. Khwine kha ri be, ri sasaladze hoyu muvhuso wa mademokirati ri nnda ha khabinethe.

DE WIT: Khe lo fhungo!

COETZEE: Vhanna, polotiki ya u sasaladza muvhuso na u khwikhwidzela gariki 15 murahu yo fhelelwa nga mushumo. Naa khezwi ri sa omeleli muvhuso wonoyo ra u tikedza nga hune ra nga kona? Vhathu ri songo hangwa hune ra bva hone. Mvelaphanda ndi nge ra i tumba nthia nga mulayo washu wa khethanongalukanda.

DE WIT: Minista Coetzee, nnee ndevhe. 20

COETZEE: Ndo thetshelesa.

DE WIT: Ri ne ri khou bva muvhusoni hoyu ri na maya wa u fha ta. U tikedza hashu muvhuso wa Madimokirati zwi do ri sia ri ne ri si tshee na mushumo u pfalaho. Nahone arali ra sa bva kha uno muvhuso ndi hone u fa ha Lihoro La Lushaka! 25

COETZEE: U bva hashu kha muvhuso wa mbuelano, ndi u latedza vhala vhe vha ri voutela.

6.1 Mafhungo e na vhala a tana tshipida tsha mathomele. Ndi ngani ni tshi ralo? (1)

6.2 Vhathu vhane vha khou ambedzana vha khou fariswa khakhathi nga vhafhio? (1)

- 6.3 Havha vhathu vho fhulufhuwa kha zwa polotiki. Tikedzani muhumbulo uyo. (2)
- 6.4 'Hetshi a si tshifhinga tsha Paul Kruger.' Fhambanyani tshifhinga tshine tsha khou ambiwa nga hatsho na tsha zwino. (2)
- 6.5 Nangani phindulo yo teaho kha mutevhe wo nekedzwaho.
Vhane vha khou amba a vha tshe na maanda ngauri:
- A Vha khou lwa nga tshavho.
B Murangaphanda wavho u a ofha.
C A vha na zwidulo zwinzhi phalamendeni.
D De Wit u khou vha laqedza. (1)
- 6.6 De Wit na Coetzee a vha vholi zwithu u fana. Ni a tendelana na muhumbulo uyo? Tikedzani phindulo yanu. (2)
- 6.7 Ndi ngani vhatshena avha vha tshi khou tshuwa zwine zwa khou da? (2)
- 6.8 Ni tendelana u guma ngafhi na zwe Coetzee a amba a tshi ri: Vhanna, polotiki ya u sasaladza muvhuso ... nga mushumo. (2)
- 6.9 Zwine vharema vha khou ita kha vhatshena ni vholi zwo tea? Tikedzani phindulo yanu. (2)
- 6.10 Ni vholi nndwa dzine dza khou bvelela vhukati ha madzangano a polotiki buguni iyi dzo tea naa? Tikedzani phindulo yanu. (2)

THANGANYELO YA KHETHEKANYO YA B: 35 [17]

KHETHEKANYO YA C: NGANEAPFUFHI

ZWA VHUTSHILO – NA Milubi na LL Mafenya

Fhindulani mbudziso DZOTHE kha idzo dzi re afho fhasi dzo disendekaho kha nganeapfufhi dze na guda.

MBUDZISO 7: 'NDI A PUTEDZA HA ITEA DEMBE' – NA Milubi

Vhalani mafhungo a tevhelaho a bvaho kha nganeapfufhi ye na guda uri ni kone u fhindula mbudziso dzo vhudziswaho. Vhulapfu ha phindulo yanu vhu do langwa nga tshivhalo tsha maraga dzo avhelwaho kha yeneyo mbudziso.

TSIBVELEDZWA TSHA G

Vha mbo di monisa khii, vothi la vulea. Vha dzhena vha li vala zwavhudi vha sa vhuyi vha ita phosho. Vha dzhennisa khii vhe nga ngomu, vha monisa, ha vha u khia. Vha ima vha sedza, vha wana ho tou bodobodo nga swiswi. Vha nangavhedza vha swika vha dzhena rumuni ya u edela. Vha vula xarađeni zwitukutuku uri vha kone u vhona zwavhudi nnda. Vho no ita ngauralo vha mbo 5 di dzula heneffa thodzini ya mmbete, mađo ngeno o di talela ngei nnda.

Zwenezwo vha vhona goloi mavhone zaa ... ya da ya ima phanda ha mađo avho. Vha vhona vhathu vha tshi kwambatelana vha mbo di lumelisana nga meme dza mulomo. Vha dovha vha dovha hafshu. U fhedza uyu wa mufumakadzi a vula vothi, vha tshi sedza vha wana a hu na zwiñwe, ndi Narina musadzi wavho. **Vha 10 mbo di bwela tshifhatuwo tshavho zwandani vha sedza fhasi.**

Zwothe two thoma sa madze. Havha vho Gideon Dimbalala vho do vhudza mufumakadzi Vho-Narina zwauri vhone vha khou ya muñanganoni ngeyo-ngeyo. Vha ri arali hu u vhuya vha do vhuya nga Swondaha. Mufumakadzi ndi u vha longela zwe the two fanelaho. Nangoho vha la vha dzhena goloini vha ditutshela. **15**

Vho Gideon Dimbalala vho vha vhona maitele a no nga ha fushi kha hoyu mufumakadzi wavho. Itali muthu arali o no vha na peta a sa hangi na luthihi.

- 7.1 Mafhungo e na vhala afha a khou bvelela ngafhi? (1)
- 7.2 Mafhungo e na vhala a tana tshipida tsha mathomele. Ndi ngani ni tshi ralo? (1)
- 7.3 Tsho vhangaho khuđano vhukati ha Vho Gideon Dimbalala na Vho Narina mafhungoni aya ndi tshifhio? Tikedzani phindulo yanu. (2)
- 7.4 Talutshedzani mutualadzi wo swifhadzwaho no livhanya na zwe na vhala afha. (2)

- 7.5 Ndivho khulwane ya mafhongo a nganeapfufhi iyi ndi ifhio? Talutshedzani. (2)
- 7.6 Vho Narina vho vha vhe muthu-de malugana na vhuqifari havho? (2)
- 7.7 Muanewa dendele kha nganeapfufhi iyi ndi ...
- A Gideon Dimbala
B Narina
C Nora
D B na C (I)
- 7.8 Nora na Vho Narina vho tanganywa nga zwiito zwino fana. Tikedzani likumedzwa ili no ditika nga zwi bvaho buguni iyi. (2)
- 7.9 Zwe Vho Dimbalala vha ita zwa u lalela mufumakadzi wavho zwi a itea vhutshiloni naa? Tikedzani. (2)
- 7.10 Ni vhona hu na pfunzo ye na guda kha nganeapfufhi iyi naa? Tikedzani phindulo yanu. (3)

[18]

NA

MBUDZISO 8: 'DOKOTELA WA MUKHUWA NANDI' – LL Mafenya

Vhalani mafhongo a tehelaho a bvaho kha nganeapfufhi ye na guda uri ni kone u fhindula mbudziso dzo vhudziswaho. Vhulapfu ha phindulo yanu vhu do langwa nga tshivhalo tsha maraga dzo avhelwaho kha yeneyo mbudziso.

TSHIBVELEDZWA TSHA H

'Vhone, u vha misisi a zwi tsha shuma. Zwo no bva vhukati ha shango. Na mafhongo hayo a ngoma ya mukhuwa a ri na na mushumo nao. Tshine ra toda ndi u tshidza vhutshilo ha hoyu muthu.' Ndi sisiya Mawela a tshi khou lingedza u fanyisela hoyu mukhuwa.

'Ohoho, arali muthu o takala a tshi khou takalela u vhona ngoma ya mukhuwa u do tou shonela thavhani ya Mposi!' Louw uri u amba izwi a mbo di isa phanda na u dubisa bibi yawe. 5

U bva afho Louw a mbo di ita lunzili lwa uri a vhidzelwe dokotela wa mukhuwa. Sisiya Mawela na ene a si tende-vho. A ri dokotela a hu na muhiwe nga nnda ha onoyu o telwaho leneli duvha. Onoyu ndi dokotela Konani. 10

Dokotela Konani a tshi vhona mafhongo a tshi khou kondja a tshi ya, a mbo di livha ha supritenndede. A tshi swika a mu talutshedza a tshi khou humbula uri sa mukhuwa-vho, u do amba na mukhuwa wa hawe a pfesesa.

Supritenndede na ene ndi u mbo ditanutshela dokotela konani. A ri a digudise mulayo wa u amba na mukhuwa zwavhu. A tshi isa phanda a ri nahone sibadela 15 itsho lufuno lwa mukhuwa ndi lwone lu no fanela u bveledzwa, lu si lwawe. U fhedza afho supritenndede a mbo di doba lutingo a mbo di rwela muhiwe wa madokotela a makhuwa uri a de a thuse mufumakadzi wa Louw.

- 8.1 Muanewa mupikisi ndi nnyi kha nganeapfufhi iyi? (1)
- 8.2 U ya nga mafhongo e na vhala, thaidzo i re vhukati ha vhaanewa vha vharema na vhatshena ndi ifhio? (2)
- 8.3 Talutshedzani uri mathakheni a nganeapfuthi iyi ndi ngafhi? (2)
- 8.4 U vhidzwa ha dokotela wa mukhuwa mafhungoni aya zwi ni fha muhumbulo ufhio? Tikedzani? (2)
- 8.5 Ni nga ri nea tsumbo ya u sa andana ha zwigwada/masia mavhili mafhungoni aya? Talutshedzani. (2)
- 8.6 Nyimele iyi i fhambana hani na kulangele kwa musalauno kwa zwibadela? (2)
- 8.7 Talutshedzani theroy ya nganeapfufhi iyi. (2)
- 8.8 U lindelwa ha dokotela wa mukhuwa zwo vhanga lufu lwa mulwadze. Vhudipfi hanu ndi vhufhio malugana na zwo bvelelaho. (2)
- 8.9 Nga kuvhonele kwa^ñ, zwe Konani a ita zwa u litsha mushumo ni vhona zwo tea naa? Talutshedzani. (2)
[17]

THANGANYELO YA KHETHEKANYO YA C: 35

KHETHEKANYO YA D: VHURENDI

SHOTHODZO – TN Pholi na TK Mkansi

Kha iyi khethekanyo, mbudziso dzi bva kha zwirendo zwi tevhelaho:

- 'Thingothendeleki' nga TN Pholi
- 'Muungeledzi' nga TN Pholi

Fhindulani mbudziso DZOTHE kha zwirendo zwe na newa.

MBUDZISO 9

Vhalani tshirendo tshi tevhelaho uri ni do kona u fhindula mbudziso dzo disendekaho khatsho.

Thingothendeleki – TN Pholi

- 1 Ndi vhangana we wa vha leludzela vha takala?
- 2 Ndi hungana he wa hu leludzela ra pembela?
- 3 U fha₄a hafha, wa thutha hafho.

- 4 U tavhanya sa lupenyo vhai!
- 5 Tshilengo a si tshau
- 6 Tshikolo ndo kundiswa nga iwe,
- 7 Mushumoni ndo thathiswa nga iwe,
- 8 Mbingano yanga yo pfuvhiswa nga iwe,
- 9 Thingothendeleki, iwe mutendeleki.

- 10 Mitodzi yanga namusi khei,
- 11 A u i sedzi, u dzula wo fulela,
- 12 U khou di thutha, ha thuthea,
- 13 U khou di fha₄a, ha fha₄ea,
- 14 Thingothendeleki, vhabebi vhau vha ngafhi?
- 15 Mmbudze, ndi vha vhudze vha tevhele nwana wavho.

- 9.1 Topolani vese/mitaladzi i no sumbedza uri thingothendeleki dzi na zwivhuya na zwivhi. (2)
- 9.2 Bulani zwithu ZWIVHILI zwe lutingothingothendeleki lwa khakhisa murendi khazwo. (2)
- 9.3 Neani dzina la figara ya muambo yo shumiswaho kha mutualadzi wa u thoma. (2)
- 9.4 Ipfi: 'Mitodzi' Li bvisela zwifhio khagala tshirendoni itshi? (2)

- 9.5 Vhudipfi ha murendi kha tshirendo itshi ndi vhufhio? Ni dovhe ni tikedze phindulo yañu nga zwi bvaho tshirendoni. (2)
- 9.6 Talutshedzani zwine vese 14 na 15 dza amba zwone. (2)
- 9.7 Vese/mutaladzi u no ri: 'Tshilengo a si tshau' i ni ñisela tshifanyiso tshifhio malugana na ñingothendeleki. (2)
- 9.8 Ndi ufhio muhumbulo muhulwane une murendi a tama u bveledza nga itshi tshirendo? (2)
- 9.9 Inwi ni tshi sedza ni vhona ñingondeleki dzi dza ndeme kha vhutshilo ha musalauno? Ni tikedze phindulo yañu. (2)
- [18]

NA

MBUDZISO 10

Vhalani tshirendo tshi tevhelaho uri ni ño kona u fhindula mbudziso dzo disendekaho khatsho.

Muungeledzi – TN Pholi

- 1 Thoho yanga yo oma,
2 Thi pfi ndi tshi ña ndi a ungeledza,
3 Ndo fara ña gunda mbava gwekwe,
4 Mukuloni hosho!
5 Zwa ya na vhusula.
- 6 Ndo ni vhona ni tshi femeleka,
7 Ndo ni pfa ni tshi raha-raha,
8 Na munedza milomo no farana,
9 Nga mbilu nde ndo fasha,
10 Ndi dwadzemboho, thi konwi nga dzilafho.
- 11 Ndi bumudzekanya zwikalaha thoho dzo tshena,
12 Ndi maphekanya zwikegulu migo zwo fara,
13 Thivhilaedzwi nga u hula ha phanda thohoni,
14 Ndi muungeledzi ndi ña nga mapitonî.
15 Vhaswa thi rabeledzi vhuswa havho,
16 Ndi fara nda vhu sotekanya nda lata
17 Vhaswa vha shanduka vhakalaha nga husili,
18 Thoho yanga yo oma, ndi ñiviavhathu.
- 19 Thishushedzwi nga lupfumo lwañu,
20 Vhuimo hañu a si guru kha nñe,
21 Ndi ni tzhipeledza mañu a rondolwa
22 Lupfumo na vhuimo zwa sala.

- 10.1 Topolani ipfi li no amba tshithu tshi no ofhisa afha tshirendoni. (1)
- 10.2 Tshirendo itshi tshi khou amba nga ha mini? (1)
- 10.3 Talutshedzani zwine zwa khou ambiwa kha mutaladzi wa u thoma tshirendoni itshi. (1)
- 10.4 Talutshedzani uri muungeledzi u da hani kha vhathu? (2)
- 10.5 Ipfi 'liviavhathu' li ni disela tshifanyiso tshifhio no zwi livhanya na tshirendo itshi? (2)
- 10.6 Sedzani vese ya 4. Ndi ngani murendi o shumisa tshiga tsha u vhala tshi re kha iyo vese? (2)
- 10.7 Ndi vhafhio vhane vha vha zwipondwa zwa muungeledzi? (2)
- 10.8 Murendi o shumisa ipfi 'dwadzemboho' kha vese 10. Talutshedzani ndeme ya ipfi ilo kha tshirendo itshi. (2)
- 10.9 Ndi pfunzo ifhio ine ra wana kha tshirendo itshi? (2)
- 10.10 Nga kuhumbulele kwañu ndi zwifhio zwine vhathu vha nga ita u itela u kunda muungeledzi? (2)
- [17]

THANGANYELO YA KHETHEKANYO YA D: 35
MARAGAGUTE: 70